

HIERONYMUS.

ΕΥΣΕΒΙΟΣ.

EUSEBIUS.

appellatus est. Porro Masech quid sibi velit plenius in libris Hebraicorum quaestionum disputavi. Hic tantum interpretis sum functus officio, non quod ancillam Abraham Masech nuncupatam probem.

¹ DAMNA, in tribu Zabulon civitas separata Levitis.

Δαμνά, φυλῆς Ζαβουλὸν πόλις
Λευίταις ἀφορισμένη.

DAMNA, tribus Zabulon, civitas Levitis separata.

² DAMNABA, civitas Balach filii Beor regis Edom, post quem regnavit Job, licet mihi videatur longè aliter; & est usque hodie villa Damnaba in octavo milliario Arcopoleos pergentibus Arnonem, & altera Damnaba super montem Phogor in septimo lapide Esbus.

Δαναβά, πόλις Βαλάχ υἱοῦ Βε-
ὧς βασιλέως Ἐδὰμ, μετ' ὃν ἔβασί-
λευσεν Ἰὼβ. καὶ ἐστὶ νῦν κώμη Δαννα-
ἀπὸ ἧς σημείων τῆς Ἀρεοπόλεως. ἑτέρα
δὲ ἐπὶ τοῦ Φογὼρ ὄρους ἀπὸ ζ' σημείων
τῆς Ἰερουσάλης.

DANABA, civitas Balac filii Beor regis Edom, post quem regnavit Job. Estque nunc vicus Dannea in octavo milliario Arcopoleos: & alius in monte Phogor in septimo lapide Jebus.

³ DAN, viculus est quarto à Paneade miliario euntibus Tyrum, qui usque hodie sic vocatur, terminus Judææ provincie contra Septemtrionem. De quo & Jordanis flumen erumpens à loco sortitus est nomen. Jor quippe βέθρον, id est, fluvium sive rivum Hebræi vocant.

Δὰν, οὕτω καλεσμένη κώμη Πα-
νεάδος ἀπὸ σημείων δ' κατὰ τὴν ὁδὸν
τὴν ἐπὶ Τύρον, ἥτις καὶ ὄριον τῆς Ἰσ-
ραὴλ οὐκ ἔστιν, ἐν δὲ καὶ ὁ Ἰορδάνης
ἐξέρχεται.

DAN, ita dictus vicus Paneade (distans) quatuor miliaribus propter viam quæ ducit Tyrum, qui etiam erat terminus Judææ, inde porro Jordanis erumpit.

DANNA, urbs in monte in tribu Juda, Jos. xv. vs. 49.

DAPHCA, una mansio filiorum Israël in deserto, Num. xxxiii. vs. 12, 13.

DAPHNE, Antiochiæ suburbanum, de quo Strabo Lib. 16. & Hieronymus ad Ezech. xlvii. locus delitiosus, nemoris amœnitate conspicuus, uberrimo fonte irriguus; Daphne dictus ob frequentes ibi lauros, qua de re ibi supra Hieronymus, & nos de ea plura attulimus ad Num. xxxiv. vs. 11. & de hac Daphne intelligendus est locus Scripturæ, 2 Machab. iv. vs. 33. Est alia Daphne vel Daphnis intra Terræ Promissæ fines juxta Semechonitem lacum, per quem Jordanes fluit, locus item amœnus & delitiosus, vel in eo loco fons: ob idque & à priorè illa Daphne Antiochena forte nomen accepit. Hujus loci fit mentio, Num. xxxiv. vs. 11. ubi nos de eo plura, etsi Hieronymus ad Ezech. xlvii. etiam locum illum de Daphne Antiochena accipiat.

⁴ DAROM, hujus meminit Ezechiel, quod Symmachus vertit in Aphricum.

Δαρὼμ, ὅς ἐστιν Σύμμαχος, εἰς Λίβα-
νόν τε καὶ Ἰερουσάλημ.

DAROM, Symmachus (vertit) in Africum in Ezechiele.

DAROMA. Vide DAROM proximè.

⁵ DASBATH, in tribu Zabulon.

Δαμασέ, φυλῆς Ζαβουλὸν.

DAMASE, tribus Zabulon.

N O T A.

1. De hac habes, Jos. 21. v. 35. BONFRERIUS.
2. DENABA hæc urbs dicitur Genes. 36. v. 32. in nostra versione; regisque istius Idumæi nomen est Bala, non Balach. Porro verba ista; post quem regnavit Job, verba sunt Eusebii, qui in ea fuit sententia, S. Job Idumæum, Idumæorumque regem extitisse, in qua & nos sententia sumus, Gen. 36. v. 33. quæ verò hæc verba sequuntur: licet mihi videatur longè aliter, verba sunt Hieronymi, qui in contraria fuit sententia, Job minime Idumæum fuisse, sed à Nachor fratre Abraham descendisse, qua de Hieronymi sententia etiam nos ibidem supra. IDEM.
3. Hæc antiquitus Lesem, vel Lais, nuncupata fuit, postea Dan dicta ex nomine Patriarchæ, nomine scilicet à Danitis imposito, vel composita voce Lesemdan, cum in ea loca suscepissent expeditionem, & securos incolas improvise oppressissent, Jos. 19. v. 47. totamque hanc expeditionem habes fufius descriptam Judic. 18. Itaque urbs hæc planè extra sortem tribui Dan assignata fuit, inter tribum videlicet Nephthalim, & dimidiam tribum Manasse Trans-Jordaninam juxta Libanum & Jordanis fontes, eo videlicet loco ubi duo fontes Jor & Dan concurrunt, Jordanemque minorem conflant. Ibi terminus fuit totius Judææ ad plagam Borealem; unde nata illa locutio: A Dan usque Bersabee. In ea Hieroboam unum è vitulis aureis, quos conflaverat, posuit, 3 Reg. 12. v. 29. Eadem urbs Christi tempore dicta fuit Cesarea Philippi, de qua & nos supra: postea tandem Hieronymi tempore dicta est Paneas, ut mirum sit hic Hieronymum (si tamen id Hieronymi sit, quod non existimo) scribere Dan esse in quarto à Paneade milliario: siquidem eandem esse Dan, Cesarem Philippi, & Paneadem certa est & indubitata Hieronymi sententia, imprimis ad Ezech. 27. Ex nomine, inquit, Patriarchæ Dan, & tribus, & lo-

cus in quo habitavit tribus nomen accepit: ubi hodie Paneas, quæ quondam Cesarea Philippi vocabatur. Item in Amos 8. Dan in terminis terræ Judaicæ, ubi nunc Paneas est. Item in Matth. 16. Philippus iste est frater Herodis Tetrarchæ Ituræ & Trachonitidis regionum: qui in honorem Tiberii Cesaris Casaream Philippi, quæ nunc Paneas dicitur, appellavit. IDEM.

4. DAROM vocem tanquam propriam retinuerunt Interpretes Septuaginta, Ezech. 20. v. 46. ubi & Hieronymus Symmachum sequutus vertit Africum. Est autem Africus spirans ab occasu brumali qui Græcis λιβαν dicitur. Alibi semper Hieronymus eandem vocem Hebræam דרומ Darom, Austrum, vel meridiem reddit; Septuaginta etiam Interpretes ubique uno loco excepto videri verterunt: unus est locus Deuter. 33. v. 23. ubi ipsi λιβαν Africum reddiderunt, qui tamen etiam ventus est inter Occidentem & Meridiem spirans. Itaque dubium non est Darom proprie meridiem & meridianam plagam significare, quam & Syri ac Chaldæi Daroma vocant. Hinc intelligas quæ sit regio vel terræ Judææ tractus, qui passim hoc libro de locis Hebraicis ab Eusebio vel Hieronymo Daroma appellatur, nempe pars illa Judææ, quæ maximè Australis est juxta montes illos, qui Judæam ab Idumæa & Amalecitarum finibus determinabat. Sic enim & ipse Hieronymus subinde eam vocem explicat, ut infra in Duma; vicus, inquit, grandis in Daroma, hoc est, ad Australem plagam, &c. IDEM.

5. Hic locus in finibus tribus Zabulon, & tribus Aser confinio, dicitur in versione nostra Debbaseth, Jos. 19. v. 11. in Codicibus Septuaginta Interpretum Dabasthe. IDEM.

6. Σύμμαχος, εἰς Λίβαν. Est in Codice Σύμμαχος Λίβαν. CLERICUS.

r. Hæc